



Inatsisartunut ilaasortaq
Ruth Heilmann
-/maani

Kalaallit Peqqissartut Angerlarsimaffianni kalaalimerngit pillugit Ruth Heilmannip § 37 naapertorlugu apeqqutaanut 48, 2012-imut akissut.

Inatsisartunut ilaasortaq, Ruth Heilmann qutsavigaara Danmarkimi Kalaallit Peqqissartut Angerlarsimaffianni kalaalimerngit pillugit ataani allassimasunik apeqqutaanut.

- 1. Qallunaat nunaanni kalaallit napparsimasut najugaqarfianni kalaalimernertortarnissamut inatsisartut 400.000-kr-ninik atugasiissuteqarput 2012 aallarnerfigalugu. Qanoq taakkua atortinneqarpat?**
- 2. Kalaalimernit kalaallit nerisassaatus igallugit kalaallinut neriuminartungussagaanni igasumik kalaaliminernik igallaqqissumik malitseqartinneqarnissaat Naalakkersuisunit anguniarneqarnerluni?**
- 3. Arctic Green Food A/S kalaaliminernik nunatsinni tunisassiortuusup qanimit suleqatigilluarneqarnissaa eqqarsaataanerluni?**

1-imut)

Qaammammut ataasiarluni Arctic Green Food A/S-imiit nerisassarsisoqartarpoq aningaasaliissutinut naapertuuttunik, ilanngaaserisunit suliarineqarnerat assartorneqarnerallu ilanngaatilugit.

Nerisassat pilersuutigineqartut annertussusaannut naapertuupput missingersuullugu sapaatip akunneranut pingasoriarluni kalaaliminernik igaartortarnermut, kiisalu sapaatip akunneranut pingasoriarluni kalaallit immikkut nerisassaannik sassaallertarnermut.

2-mut)

Pilersaaruteqartoqanngilaq peqqissartut angerlarsimaffianni igasumik atorfinitsitsinissaq. Iggavimmiut nerisassiornissamut ilinniagaqarsimasuupput, igaffimmilu kalaallit sulisusut sulisunik allanik kalaaliminiliornissamut ilitsersuussinnaapput.

Kalaalimerngit qanoq mamassuseqarnerat soorunami sunnersimaneqassaaq inummit nerisassiortuusumit, tassami kalaalimerngit Tunumi, Kitaani, Avannaani Kujataanilu assigiinngitsumik iganeqartarmata.

Aammattaaq nerisassat qanoq mamassuseqarnerat inummiit inummut assigiinngitsumik misigineqartarpoq, napparsimasullu immikkut ittumik nakorsarneqartut susunnimik maluginiutimik malunnartorsuarmik allangornerat misigisinnaasarpaat – matumani eqqar-

24. feb 2012
Sagsnr. 2012-062302
Dok. Nr. 834731

Postboks 1160
Tlf: 34 50 00
Fax: 32 55 05
3900 Nuuk
Email: pn@nanoq.gl
www.nanoq.gl


saatigineqarput pingaartumik napparsimasut kemomik qinngornernilluunniit nakorsarneqartut.

Aammattaaq peqqissartut angerlarsimaffiat – pisortat igaffiattut – nerisassionermut mailittarisassanik atuuttunik naammassinnittarnissamut akisussaassuseqarpoq, tamatumani aamma nerisassanik sassaallisærnermi aalajangersimasumik kissassuseqartitsinissamik eqquutisisarnissaq eqqarsaatigalugu. Tamatumani kinguneranik nerisassat tamarmik igalluarneqarsimasussaapput imaluunniit sialluarneqarsimassallutik – taamaannerallu najugaqartunit arfalinneq akueriuminaatsinneqarsinnaavoq. Tassunga ilaavoq nerisassiat "kissartuunissaat" – tassa nerisassat piffissami 11.30-miit 13.30-mut kissassimaartinneqartussaagamik – taamaasillutillu mamassusiat aamma sunnerneqarsinnaasarluni.

3-mut)

Arctic Green Food A/S isumaqatigiissuteqarfigineqarpoq Kalaallit Peqqissartut Angerlarsimaffiannut aalajangersimasumik pilersuusuunneqarpoq.

Inussiarnersumik iriuulluaqqusillunga



Agathe Fontain



SIUMUT Inatsisartuutit

10. februari 2012

Inatsisartut suleriaasiat § 37 imm.1. naapertorlugu Naalackersuisunut apeqqu.

1. Qallunaat nunaanni kalaallit napparsimasut najugaqarfianni kalaalimi-nertortarnissamut inatsisartut 400.000-kr-ninik atugasiissuteqarput 2012 aallarnerfigalugu. Qanoq taakkua atortinneqarpat?
2. Kalaalimernit kalaallit nerisassaatur igallugit kalaallinut neriuminartunngus-sagaanni igasumik kalaaliminernik igallaqqissumik malitseqartinneqarnissaat Naalackersuisunit anguniarneqarnerluni?
3. Arctic Green Food A/S kalaaliminernik nunatsinni tunisassiortuusup qanimut suleqatigilluarneqarnissaa eqqarsaataanerluni?

(Inatsisartuni ilaasortaq Ruth Heilmann, Siumut)

Tungavilersuut:

Tappavani katsorsartittup ilaata qanittukkut apuukkamiuk napparsimasuulluni qallunaaminertukatannarneralugu taamatut nerisassiuunneqartuarneq naammaginagu. Ullut tamangajaasa kukkukuuqqat pølset puulukillu neqaat sassaalliuutigineqartuut qatsunnarnerarlugit. Kalaalinertullatuaraangamillugooq susunneerutivillugit igasaraat uggornarnerarlugu.